



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 413
fax. +387 33 726 414
e – mail: info@voda.ba

Broj: **UP-1/21-2-40-166-2/22**

Datum: **28.04.2022. god.**

«Agencija za vodno područje rijeke Save» Sarajevo rješavajući po zahtjevu podnesenom od strane Grada Bosanska Krupa za izdavanje vodne saglasnosti za uređenje lijeve obale rijeke Une, u ulici Otočkih heroja u naselju Bosanska Otoka, na području Općine Bosanska Krupa, na osnovu člana 114. a u vezi sa članom 109. stav (1) tačka 14. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99), **donosi**

RJEŠENJE **o vodnoj saglasnosti**

1. Podnosiocu zahtjeva, Gradu Bosanska Krupa, daje se vodna saglasnost na projektnu dokumentaciju pod nazivom: „Elaborat zaštite stambenih objekata od plavljenja rijeke Une u ulicama Otočkih heroja i Bihaćka u Bosanskoj Krupi“, urađen od strane „IPSA Institut“ d.o.o. Sarajevo, august 2020. godine, prema elaboratu, na parcelama označenim kao K.Č. 803, K.Č. 934 i K.Č. 935 K.O.Otoka 1.
2. Vodna saglasnost se donosi na osnovu utvrđenog činjeničnog stanja, pregleda projektne dokumentacije iz tačke 1. dispozitiva ovog Rješenja, koja se ovjerena vraća podnosiocu zahtjeva na trajno čuvanje i čini sastavni dio ovog Rješenja, a ista će se koristiti u postupku pribavljanja odobrenja za građenje.
3. Dostavljeni : „Elaborat zaštite stambenih objekata od plavljenja rijeke Une u ulicama Otočkih heroja i Bihaćka u Bosanskoj Krupi“, urađen od strane „IPSA Institut“ d.o.o. Sarajevo, august 2020. godine, je urađen u skladu sa osnovnim uslovima iz Rješenja za prethodnu vodnu saglasnost broj broj UP-I/25-1-40-337-5/21 od 05.10.2021. godine.
Vodna saglasnost se donosi na temelju dostavljene projektne dokumentacije pod sljedećim uslovima:
 - 3.1. Izvođenje radova vršiti u skladu sa ovjerenom tehničkom dokumentacijom iz tačke 1. ovog Rješenja, tj. na način utvrđen u opisu tehničkog rješenja i tehničkih uslova izvođenja iz navedene projektne dokumentacije.
 - 3.2. Nosilac prava iz vodne saglasnosti dužan je u saradnji sa izvođačem radova, nadzornim organom i predstavnikom Agencije prije početka radova riješiti način uklapanja uređenja obale u prirodno korito, tako što će se bez značajnijih zahvata u prostoru moći pristupiti realizaciji uređenja.
 - 3.3. Korisnik je dužan da uredno vodi dnevnik rada sa tačno definisanim lokalitetima iskopa, dubini iskopa i svim drugim radovima planiranim kroz projektnu dokumentaciju kao i ostalim podacima koji se uobičajeno vode kod ovakve vrste radova.
 - 3.4. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
 - 3.5. Investitor (korisnik vodne saglasnosti) je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 3.6. Predvidjeti da se sav nastali otpad prikuplja i zbrinjava izvan površina obuhvaćenih uticajem velikih voda, a u skladu sa važećim propisima o postupanju sa otpadom.

- 3.7. Nakon završetka radova neophodno je radni pojas koji uključuje korito, inundacioni pojas i obalu urediti i očistiti od gradilišnih objekata, mehanizacije i gradilišnog otpada.
- 3.8. Planom organizacije gradilišta koje će se formirati u funkciji provođenja navedenih radova, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.
- 3.9. Sve kolizije sa postojećim infrastrukturnim objektima (instalacijama vodovoda i kanalizacije, elektro i sl.), na lokalitetu na kojem će se vršiti radovi obuhvaćeni ovom fazom uređenja obale rijeke Une, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatera koji upravlja tim objektima i instalacijama i isti će dati tehničke uslove za izvođenje ovih radova.
4. Ukoliko se izvođenjem radova na uređenju lijeve obale rijeke Une u ulici Otočkih heroja, na predmetnom potezu ili drugim aktivnostima vezanim za predmetne radove prouzrokuju štete i naruši stabilnost korita, postojećih objekata i obala vodotoka ili nanese šteta trećim licima, podnosilac zahtjeva je obavezan uzroke nastanka štetnih promjena otkloniti, a nastale štete nadoknaditi.
5. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
6. Investitor (korisnik vodne saglasnosti) ostaje u obavezi, a kada period izvođenja radova na uređenju obale bude tačno preciziran, najmanje sedam dana ranije obavijesti predstavnike lokalne zajednice te korisnika ribolovnog prava na ovom ribolovnom području, o početku izvođenja radova na predmetnoj dionici.
7. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
8. Ukoliko se pojavi višak materijala iz iskopa prilikom izvođenja zemljanih radova, a koji ne bude iskorišten za radove na uređenju lijeve obale rijeke Une na predmetnoj dionici, potrebno je isti odložiti na deponiju izvan vodnog dobra, a sve u skladu sa uputama Investitora, tj. korisnika ove vodne saglasnosti.
9. Korisnik vodne saglasnosti je dužan da prije početka izvođenja radova riješi imovinsko pravne odnose na lokalitetu izvođenja radova, na mjestu formiranja privremenih gradilišta, pristupnim putevima i deponijama za odlaganje viška izvađenog materijala.
10. Vodna saglasnost prestaje da važi istekom roka od dvije godine od dana njene pravosnažnosti ukoliko do tog dana nije pribavljeno odobrenje za izvođenje predmetnih radova od strane nadležnog organa i započeti radovi.
11. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Podnosilac zahtjeva, Grad Bosanska Krupa, je podnio zahtjev dana 07.04.2022. godine za izdavanje vodne saglasnosti za uređenje lijeve obale rijeke Une na lokalitetu u ulici Otočkih heroja naselje Bosanska Otoka na parceli označenoj kao K.Č. 803, K.Č. 934 i K.Č. 935 K.O. Otoka 1., Grad Bosanska Krupa, dužine 70 m, po projektnoj dokumentaciji navedenoj uz zahtjev i prihvaćenoj od strane „Sektora za realizaciju investicionih projekata“ Agencije: „Elaborat zaštite stambenih objekata od plavljenja rijeke Une u ulicama Otočkih heroja i Bihaćka u Bosanskoj Krupi“, urađen od strane „IPSA Institut“ d.o.o. Sarajevo, august 2020. godine.

Uz zahtjev za izdavanje vodne saglasnosti dostavljena je slijedeća dokumentacija:

- Odluka o osnivanju i djelokrugu rada Jedinstvenog organa gradske uprave Grada Bosanska Krupa broj:01-02-67-2-1/22 od 16.03.2022. godine,

- Rješenje o prethodnoj vodnoj saglasnosti broj UP-I/25-1-40-337-5/21 od 05.10.2021. godine, izdato od strane «Agencije za vodno područje rijeke Save» Sarajevo,

- Rješenje kojim se daje Urbanistička saglasnost Službi za komunalne djelatnosti, vode zaštitu okoliša i inspeksijske poslove Grada Bosanska Krupa za uređenje lijeve obale rijeke Une u naselju Bosanska Otoka, na parceli označenoj kao kao K.Č. 803, K.Č. 934 i K.Č. 935 K.O. Otoka 1., u vlasništvu fizičkih lica prema izdatoj Identifikaciji parcela od 08.07.2021. godine, rješenje izdato pod brojem: UP-I-04-19-1-2997/21 od 01.04.2022. godine,

- Uvjerenje o registraciji poreznog obveznika izdato od Porezne uprave Federacije BiH – Kantonalni porezni ured Bihać dana 17.03.2022. godine,
- Kopija ukaza o proglašenju Zakona o gradu Bosanska Krupa objavljen u „Službenim novinama Federacije BiH, broj 17/22”,
- Dokaz o uplaćenju administrativnoj pristojbi – kopija uplatnice,
- Kopija katastarskog plana broj: 5K 16 -42-17 od 08.07.2021. godine,
- Identifikacija parcela broj: 04-26-sl.-34/21, izdata od strane Općine Bos.Krupa dana 08.07.2021. godine,
- Zemljišnoknjižni izvadak broj: 018-0-NAR-22-000 456 uložak 858; 018-0-NAR-22-000 457 uložak 1585; 018-0-NAR-22-000 457 uložak 855; 018-0-NAR-22-000 458 uložak 849;

U provedenom dokaznom postupku koji je prethodio donošenju ovog rješenja utvrđeno je:

- Za potrebe izrade projektne dokumentacije za uređenje lijeve obale rijeke Une angažirano je ovlašteno pravno lice, „IPSA Institut“ d.o.o. Sarajevo koja je izradilo „Elaborat“ i koje posjeduje ovlaštenje za izradu projektne dokumentacije prema Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti („Službene novine Federacije BiH“, broj 17/08 i 38/12),
- Da je ova Agencija donijela rješenje o prethodnoj vodnoj saglasnost broj UP-I/25-1-40-337-5/21 od 05.10.2021. godine, u kojoj su propisani uslovi koje je projektant prilikom izrade projektne dokumentacije uvažio i u istoj priložio opise i nacрте uobičajene za ovaj nivo projektne dokumentacije:
 - o Situativni prikaz projektnog rješenja za dionicu planiranih radova uređenja lijeve obale rijeke Une u Bosanskoj Krupi, razmjere 1:1000;
 - o Predmetna dionica je duga cca 70 m i nalazi se u ul. Otočkih heroja;
 - o Izgradnjom gabionskog zida postiće se nadvišenje u odnosu na prirodno stanje i spriječiti izljevanje voda rijeke Une iz korita pri pojavi VV ranaga 1/100;
 - o Predviđenim radovima na uređenju lijeve obale rijeke Une planirana je stabilizacija i zaštita obale, čišćenje i poboljšanje hidromorfoloških karakteristika korita i lijeve obale rijeke Une na navedenoj dionici. Rang zaštite od velikih voda Q1/100 je analiziran i cilj ovih zahvata je smanjenje opasnosti od poplava okolnog područja i stabilizacija obale.
 - o U tom cilju će se uraditi cca 70 m gabionskih zidova uz obezbjeđenje jednog stepeništa koje će biti izvedeno takođe od gabiona kako bi se stvorila mogućnost pristupa do korita rijeke Une

Na osnovu priložene tehničke dokumentacije utvrđeno je da se u svrhu poboljšanja hidromorfološkog stanja vodotoka, dinamike prirodnog procesa tečenja i smanjenja opasnosti od nastanka šteta od poplava, na osnovu člana 109. stav (1) tačka 14., a u vezi sa članom 114. „Zakona o vodama“ i članom 17., stav (1), tačka 13. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH» broj 31/15, 55/19 i 41/20), valjalo rješiti kao u dispozitivu ovog rješenja.

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih.

Voditelj postupka:

Fuad Mujagić, dipl.inž.

Prilog: Ovjeren „Elaborat zaštite stambenih objekata od plavljenja rijeke Une u ulicama Otočkih heroja i Bihaćka u Bosanskoj Krupi“, urađen od strane „IPSA Institut“ d.o.o. Sarajevo, august 2020. godine

**Po ovlaštenju
Rukovodilac sektora za izdavanje
vodnih akata**

Haris Ališehović
Haris Ališehović, dipl.inž.građ.

Dostaviti:

- „Grad Bosanska Krupa“, Terzića bb, Bosanska Krupa 77240 (prilog);
- ISV-vodna knjiga – ovdje;
- ④ Arhiva – ovdje;
- Sektor 30
- AVP Sava – Oglasna ploča